



JUDICIAL SYSTEM MONITORING PROGRAMME  
PROGRAMA MONITORIZASAUN SISTEMA JUDISIÁL

## ***Komunikadu Imprensa***

**8/7/2013**

### **Tribunál Distritál Díli kondena pena úniku tinan 26 hasoru arguidu sira ba krime omisídiu agravadu iha Garden Beach Hotel**

Tribunál Distritál Díli iha 5 Jullu 2013, lee sentensa ba kazu ho Númeru Prosesu 698/C.Ord/2012/TDD. Arguidu ba kazu ne'e hamutuk nain tolu mak Alçino Mendes Pereira, Marcos Martins no Orlando Ximenes.

Tribunál Distritál Díli decide atu hamonu pena sentensa ba arguidu Alçino Mendes Pereira no Marcos Martins da Costa ho tinan 26 prizaun no arguidu Orlando Ximenes ho tinan 24 prizaun.

*“JSMP louva desizaun ne'e, tanba krime ne'e grave teb-tebes. Desizaun ne'e sai hanesan lisaun ida ba ema hotu atu maneija sira nia desintendimentu no konflitu ho meu ne'ebé pasífiku atu nune'e la prejudika ema seluk nia vida, desintendimentu”,* dehan Diretór Ezekutivu JSMP Luis de Oliveira Sampaio.

Ministériu Públiku akuza hahalok husi arguidu sira ho artigu 138 no 139 Kódigu Penál kona-ba Krime Omisídiu Simples nomós Krime Omisídiu Agravadu.

Tribunál Distritál Díli deskobre katak arguidu sira provadu halo planu no prepara samurai ida no tudik antes ezejuta krime omisídiu hasoru vítima sira iha Garden Beach Hotel.

Faktus provadus hirak ne'e produz liu husi deklarasaun husi arguidu no depoimentu husi testamuña sira.

Tribunál la prova katak arguidu sira hetan orden no orientasaun husi ema ruma atu prátika krime omisídiu ne'e.

Prosesu julgamentu leitura sentensa ne'e diriye husi juis Dr. Duarte Tilman, Ministériu Públiku representa husi Dr. José Luis Landim no defeza representa husi Dr. Fernando Lopes de Carvalho.

Atu hetan informasaun kle'an liután favór kontaktu:

Luis de Oliveira Sampaio

Diretór Ezekutivu JSMP

Diresaun e-mail: [luis@jsm.minihub.org](mailto:luis@jsm.minihub.org)

Telefone: 3323883 | 77295795

Website: [www.jsmp.tl](http://www.jsmp.tl)

Facebook: [www.facebook.com/timorleste.jsmp](http://www.facebook.com/timorleste.jsmp)

Twitter: @JSMPtl